

**ՔԱՂԱՔԱՑԻԱԿԱՆ ԾԱՌԱՅՈՒԹՅԱՆ ՊԱՇՏՈՆԻ ԱՆՁՆԱԳԻՐ  
ԲԱՐՁՐ ՏԵԽՆՈԼՈԳԻԱԿԱՆ ԱՐԴՅՈՒՆԱԲԵՐՈՒԹՅԱՆ ՆԱԽԱՐԱՐՈՒԹՅԱՆ ԿԱՊԻ ԵՎ ՓՈՍՏԻ  
ՎԱՐՉՈՒԹՅԱՆ ԿԱՊԻ ԲԱԺՆԻ ԱՎԱԳ ՄԱՍՆԱԳԵՏ**

**1) Ընդհանուր դրույթներ**

**1.1. Պաշտոնի անվանումը, ծածկագիրը**

Բարձր տեխնոլոգիական արդյունաբերության նախարարության (այսուհետ՝ **Նախարարություն**) կապի և փոստի վարչության (այսուհետ՝ **Վարչություն**) կապի բաժնի (այսուհետ՝ **Բաժին**) ավագ մասնագետ (ծածկագիր՝ 24-32.3-Մ5-1)

**1.2. Ենթակա և հաշվետու է**

Ավագ մասնագետն անմիջական ենթակա և հաշվետու է Բաժնի պետին:

**1.3. Փոխարինող պաշտոնի կամ պաշտոնների անվանումները**

Ավագ մասնագետի բացակայության դեպքում նրան փոխարինում է Բաժնի գլխավոր մասնագետներից կամ ավագ մասնագետներից մեկը:

**1.4. Աշխատավայրը**

ՀՀ, ք. Երևան, Կենտրոն վարչական շրջան, Վ. Սարգսյան 3/3

**2. Պաշտոնի բնութագիրը**

**2.1. Աշխատանքի բնույթը, իրավունքները, պարտականությունները**

- 1) մասնակցում է կապի (այդ թվում՝ տիեզերական և ինտերնետ) ոլորտի զարգացման, ինչպես նաև ՀՀ-ում էլեկտրոնային հաղորդակցության համընդհանուր ծառայությունների մատուցման քաղաքականության պետական ծրագրերի ու միջոցառումների մշակման և դրանց իրականացման մոնիթորինգի աշխատանքներին.
- 2) մասնակցում է կապի և հեռահաղորդակցության ենթակառուցվածքների զարգացմանը, տարածմանը, ինչպես նաև միջազգային կապակցվածության խթանմանն ուղղված քաղաքականության և ռազմավարության, տեխնիկական և անվտանգության պահանջների, օրենսդրական կարգավորումների ու դրանցից բխող միջոցառումների մշակման աշխատանքներին.
- 3) մասնակցում է Հայաստանի Հանրապետության միջազգային համաձայնագրերով սահմանված՝ կապի (այդ թվում՝ տիեզերական և ինտերնետ) ոլորտին առնչվող հանձնառությունների իրականացման աշխատանքներին.
- 4) մասնակցում է կապի (այդ թվում՝ տիեզերական և ինտերնետ) ոլորտի իրավական և տեխնիկական ակտերի մշակման աշխատանքները, ինչպես նաև ստանդարտների մշակման աշխատանքներին.
- 5) մասնակցում է կապի օբյեկտների, պասիվ ենթակառուցվածքների ու դրանց պաշտպանական գոտիների հողերի օգտագործման սահմանափակումների և նորմերի մշակմանն ու ընդունման

աշխատանքներին.

- 6) մասնակցում է կապի (այդ թվում՝ տիեզերական և ինտերնետ) ոլորտում ՀՀ միջազգային պայմանագրերի (համաձայնագրերի) նախագծերի նախապատրաստման, կնքման, ինչպես նաև ՀՀ ստանձնած պարտավորությունների կատարման աշխատանքներին.
- 7) մասնակցում է Հայաստանի Հանրապետության սոցիալ-տնտեսական ծրագրերի՝ կապի (այդ թվում՝ տիեզերական և ինտերնետ) ոլորտին վերաբերող բաժինների մշակման աշխատանքներին.
- 8) մասնակցում է Հեռահաղորդակցության միջազգային միության կողմից Հայաստանի Հանրապետությանը պլանով հատկացված կապի (այդ թվում՝ ինտերնետի) արբանյակների ուղեծրային դիրքերի և հաճախականային շերտերի օգտագործման կառավարման և համակարգման աշխատանքներին.
- 9) մասնակցում է ռադիոալեռավաք կառույցների շինարարության, ներկման և լուսավորման վերաբերյալ կանոնների մշակման աշխատանքներին.
- 10) իր իրավասության սահմաններում մասնակցում է պետական մասնակցությամբ առևտրային կազմակերպությունների, պետական ոչ առևտրային կազմակերպությունների, ենթակա մարմինների և պետական հիմնարկների կառավարման աշխատանքներին.
- 11) մասնակցում է կապի (այդ թվում՝ տիեզերական և ինտերնետ) և հեռահաղորդակցության ոլորտի տվյալ բյուջետային տարվա ՀՀ պետական բյուջեից ֆինանսավորում պահանջող ծրագրերի վերաբերյալ ծրագրային բյուջետավորման ձևաչափով ներկայացված առաջարկությունների կատարման ու արդյունքային ցուցանիշների ապահովման աշխատանքներին.
- 12) մասնակցում է կապի (այդ թվում՝ ինտերնետի) ոլորտի զարգացման պետական ծրագրերի ու միջոցառումների մշակման, դրանց իրագործման ապահովման և մոնիթորինգի իրականացման աշխատանքներին.
- 13) մասնակցում է միջազգային վարկատու կազմակերպությունների կողմից ֆինանսավորման հավակնող կապի ոլորտի վերաբերյալ ծրագրերի ընտրության աշխատանքներին.

#### **Իրավունքները՝**

- 1) Ստանալ կապի (այդ թվում՝ տիեզերական և ինտերնետ) ոլորտի գործունեությունը կանոնակարգող իրավական ակտերի նախագծերի մշակման, ինչպես նաև Հայաստանի Հանրապետության սոցիալ-տնտեսական ծրագրերի՝ կապի (այդ թվում՝ տիեզերական և ինտերնետ) ոլորտին վերաբերող բաժինների մշակման վերաբերյալ անհրաժեշտ փաստաթղթեր.
- 2) Քաղաքացիներից ստացված կապի (այդ թվում՝ տիեզերական և ինտերնետ) ոլորտին վերաբերող դիմում-բողոքներին համապատասխան ընթացք տալուն նպատակով՝ համագործակցել համապատասխան մարմինների հետ.
- 3) Ներկայացնել առաջարկություններ կապի ոլորտի զարգացման պետական ծրագրերի ու միջոցառումների մշակման վերաբերյալ.

#### **Պարտականությունները՝**

- 1) Ուսումնասիրել կապի (այդ թվում՝ տիեզերական և ինտերնետ) ոլորտի զարգացման, ինչպես նաև Հայաստանի Հանրապետությունում էլեկտրոնային հաղորդակցության համընդհանուր ծառայությունների մատուցման քաղաքականության ծրագրերը.
- 2) Ուսումնասիրել կապի (այդ թվում՝ տիեզերական և ինտերնետ) և հեռահաղորդակցության ենթակառուցվածքների զարգացմանը, տարածմանը, ինչպես նաև միջազգային

կապակցվածության խթանմանն ուղղված քաղաքականության և ռազմավարության, տեխնիկական և անվտանգության պահանջների, օրենսդրական կարգավորումների ու դրանցից բխող միջոցառումների մշակման և իրականացման աշխատանքները և առաջարկություն նորկայացնել բաժնի պետին.

- 3) Ուսումնասիրել կապի օբյեկտների, պասիվ ենթակառուցվածքների ու դրանց պաշտպանական գոտիների հողերի օգտագործման սահմանափակումների և նորմերի մշակման ու ընդունման աշխատանքները և առաջարկություն նորկայացնել բաժնի պետին.
- 4) Աջակցել կապի (այդ թվում՝ տիեզերական և ինտերնետ) ոլորտում Հայաստանի Հանրապետության միջազգային պայմանագրերի (համաձայնագրերի) նախագծերի նախապատրաստման աշխատանքներին.
- 5) Ուսումնասիրել կապի ոլորտի յուրաքանչյուր բյուջետային տարվա ՀՀ պետական բյուջեից ֆինանսավորում պահանջող ծրագրերի վերաբերյալ ծրագրային բյուջետավորման ձևաչափով ներկայացված առաջարկությունները, կատարել դրանք ու ներկայացնել արդյունքային ցուցանիշները.
- 6) Ներկայացնել ռադիոհաճախականությունների տիրույթի բաշխման, օգտագործման որոշակի նպատակների համար ռադիոհաճախականությունների տիրույթի որոշակի հատվածների առանձնացման վերաբերյալ առաջարկություններ.
- 7) Ուսումնասիրել ՀՀ կողմից արտաքին առևտրի դեպքում սահմանափակումների ենթակա ռադիոէլեկտրոնային և (կամ) քաղաքացիական օգտագործման բարձր հաճախականության սարքերի, այդ թվում՝ ներկառուցված կամ այլ ապրանքների կազմի մեջ մտնող սարքերի ներմուծման և լիցենզավորման գործընթացի հետ կապված աշխատանքները,
- 8) Աջակցել ռադիոալեհավաք կառույցների շինարարության, ներկման և լուսավորման վերաբերյալ կանոնների մշակման աշխատանքներին,
- 9) Աջակցել կապի (այդ թվում՝ տիեզերական և ինտերնետ) ոլորտին վերաբերող բաժինների ՀՀ սոցիալ-տնտեսական ծրագրերի մշակման աշխատանքներին,
- 10) Աջակցել կապի (այդ թվում՝ ինտերնետի) ոլորտի զարգացման պետական ծրագրերի ու միջոցառումների մշակման, դրանց իրագործման և մոնիթորինգի իրականացման աշխատանքներին.

### **3. Պաշտոնին ներկայացվող պահանջները**

#### **3.1. Կրթություն, որակավորման աստիճանը**

Բարձրագույն կրթություն:

#### **3.2. Մասնագիտական գիտելիքները**

Ունի գործառույթների իրականացման համար անհրաժեշտ գիտելիքներ:

#### **3.3. Աշխատանքային ստաժը, աշխատանքի բնագավառում փորձը**

Հանրային ծառայության առնվազն մեկ տարվա ստաժ կամ մեկ տարվա մասնագիտական աշխատանքային ստաժ կամ ճարտարագիտության կամ տնտեսագիտության բնագավառներում՝ մեկ տարվա աշխատանքային ստաժ:

#### **3.4. Անհրաժեշտ կոմպետենցիաներ**

**Ընդհանրական կոմպետենցիաներ՝**

1. Ինդրի լուծում
2. Հաշվետվությունների մշակում
3. Տեղեկատվության հավաքագրում, վերլուծություն
4. Բարեվարքություն

**Ընտրանքային կոմպետենցիաներ՝**

1. Տեղեկատվական տեխնոլոգիաներ և հեռահաղորդակցություն
2. Ժամանակի կառավարում
3. Փաստաթղթերի նախապատրաստում

**4. Կազմակերպական շրջանակ**

**4.1. Աշխատանքի կազմակերպման և ղեկավարման պատասխանատվությունը**

Պատասխանատու է կառուցվածքային ստորաբաժանման աշխատանքների վերջնարդյունքի ապահովման մասնակցության և մասնագիտական օժանդակության համար:

**4.2. Որոշումներ կայացնելու լիազորությունները**

Կայացնում է որոշումներ կառուցվածքային ստորաբաժանման աշխատանքների վերջնարդյունքի ապահովման մասնակցության և մասնագիտական օժանդակության շրջանակներում:

**4.3. Գործունեության ազդեցությունը**

Ունի ազդեցություն կառուցվածքային ստորաբաժանման աշխատանքներին աջակցության, որոշակի մասնագիտական գործառույթների իրականացման օժանդակության շրջանակներում:

**4.4. Շփումները և ներկայացուցչությունը**

Իր իրավասության շրջանակներում շփվում և որպես ներկայացուցիչ հանդես է գալիս տվյալ մարմնի կառուցվածքային այլ ստորաբաժանումների ներկայացուցիչների հետ, ինչպես նաև այլ համապատասխան մարմինների ներկայացուցիչների հետ ընդգրկվում է տվյալ մարմնի ներսում ձևավորված մասնագիտական աշխատանքային խմբերում:

**4.5. Խնդիրների բարդությունը և դրանց լուծումը**

Իր լիազորությունների շրջանակներում բացահայտում է մասնագիտական խնդիրներ և այդ խնդիրների լուծման մասով տալիս է մասնագիտական առաջարկություն: